

Cungzcoj Banh Gaiq Daih' it Siengqvunz Yinh Byaraiz Ingjsiengq Doxdax Hozdung

崇左举办首届花山韵人像外拍摄影比赛活动

1 nyied 20 hauh, youz Cungzcoj Si Sezyinggyah Hezvei、Cungzcoj Si Yinh Byaraiz Vwnzyi Gyaulouz Cungsim lienzhab banh “gaiq daih' it yinh Byaraiz siengqvunz youq rog ingliengq doxdax hozdung” youq guekgya AAAA gaep gingjih ——Cungzcoj Yenzbozyenz gawjhengz. 90 lai boux cangh' ingjsiengq caeuq gyoengq gyaezmaij ingjsiengq haenx, daj aen si neix 7 aen yienh(si、gih) daeuj camgya aen ingjsiengq doxdax neix, gyoengq ingjyoux doenggyaq yienhciengz ingj、guh, langhyienj le siengqvunz baenz roix baenz roix mbawsiengq cingndei siengqvunz caeuq funghgvangh haenx.

(Cauh Yizgangh/周贻刚)

► Baij viengh ingjsiengq nyaengafudfud.



▲ Gyoengq lwgnyez lingx ndaej gvaq doeng doxgaiq le angqwtwt.

Vunzsimndei Gien Buhvaq Cingz Raeuj Lwgnyez Louzyouq Diegbya

爱心人士募捐衣物情暖山区留守儿童

1 nyied 16 hauh banhaet, baenz daeh baenz daeh buhvaq haizmad daengj gvaq doeng doxgaiq cungj deng buen haeuj aen hagdangz Vanzgyangh Mauznanzcuz Swciyen Cangzmeij Yangh Aidung Cunh Aidung Siujyoz, hawj daengx hagdangz lauxsae caeuq hagseng cungj angqwtwt.

Gaenh duenh seizgan neix mbwn nit raixcaix, Cangzmeij Yangh Aidung Cunh haeuj mbanj gunghcozdui haeuj mbanj seiz yawjraen, Aidung Siujyoz haujlai hagseng hwnjdangz seiz lij daenj buhgendingj caeuq liengzhaiz, cam rox ndawde dingzlai cungj dwg hagseng gunghzhoj caeuq lwgnyez louzyouq. Yienghneix aen yangh neix couh cujciz ganbu doenggyaq meizdijmoq yiengq sevei gak gyaiq vunzsimndei gouz gien gvaq doeng buhvaq daengj doxgaiq, lij gig vaiq ndaej daengz yiengjwngq. Haujlai giyez、gagvunz cungj vih gyoengq lwgnyez geiq daeuj gak cungj gvaqdoeng doxgaiq. Daengz seizneix, itgungh sou ndaej daengz sevei gak gyaiq vunzsimndei gien haiz 327 doiq, mad 134 doiq, vaq 9 diuz, buh 30 diuz, daehsaw 4 aen, gungh dij ngaenz mauhgyaq fanh maenz.

(Veiz Yui/韦睿 Veiz Yingj/韦颖)

Baksaek:

Cungh Siuj Hagseng Seiz Roengzdangz Hag Diuq Fouxbeiz

百色: 中小学校扇子舞动大课间

1 nyied 17 hauh, Baksaek Si Sizyen Siujyoz gyoengq hagseng youq seiz roengzdangz biujyienj fouxbeiz. Gaenh geij bi neix daeuj, aen si neix gak cungh siuj hagdangz youq ndaw hozdung seiz roengzdangz, cungj dwg aeu yinhyoz、lijyiz caeuq daudwzgingh daengj neiyungz caeuq diuqfoux、dijcauh dox giethab, dawz dijjuz、yisuz、vwnzva yungz youq itheij, sawj hagseng gawq ndaej lienh ndangdaej, youh ndaej souh daengz swhsiengj gyauyuz caeuq vwnzva yisuz dauzyej.

(Luz Gez/陆杰 Vuz Lanz/吴兰)



▲ Cungh siuj hagseng seiz roengzdangz diuq fouxbeiz.

Lajmbanj Vunzlai “Ciengj” Doiqlienz

基层群众“抢”春联



▲ Vunzlai ndaw mbanj “ciengj” doiqlienz.

1 nyied 19 hauh, gyoengq canghdajveh Liujcouh Vayen、Liujcouh Ginzcong Yisuzgvanz daeuj daengz Luzcai Yen Luzcai Cin Mbanjcazbij bang vunzlai sij doiqlienz mbouj aeu cienz, vunzlai haisim “ciengj doiqlienz” bwh gvaq cieng. Gyoengq canghdajveh baez daeuj daengz ndaw mbanj, vunzmbanj couh humx gvaqdaej, gyoengq canghdajveh hix mbouj yietnaiq couh nyaengqfudfud dwk sij doiqlienz, song mbiengj simangq raixcaix.

(Lai Genveih/赖建辉)